

Date : 28 Jun 2018

Title : Fokus pengajaran, penyelidikan bukan pada ranking sahaja

Publication : Berita Harian

Page : V39

Fokus pengajaran, penyelidikan bukan pada ranking sahaja

Putrajaya: Kemampuan institut pengajian tinggi swasta (IPTS) dibuktikan selepas lima daripada universiti itu tersenarai dalam Quacquarelli Symonds (QS) World University Ranking 2018/2019 dengan meraih kedudukan 1,000 universiti terbaik seluruh dunia.

Universiti UCSI yang pertama kali disenaraikan menunjukkan kecemerlangan selepas berada di tangga 481, Universiti Teknologi Petronas (UTP) (521-530), Taylor's University (601-650), Universiti Tenaga Nasional (UNITEN) (701-750) dan Multimedia University (MMU) (801-1,000).

Naib Canselor dan Presiden Universiti UCSI, Prof Kanan Datuk Dr Khalid Yusoff, berkata adalah penting universiti untuk tidak hilang fokus utama mereka walaupun diasak untuk mengejar ranking dunia.

Beliau berkata, ranking mungkin memberi suatu tanggapan mengenai kekuatan sesebuah universiti,

namun ia bukan kekuatan mutlak universiti berkenaan.

"Antara yang perlu ditekankan dalam kalangan penyarah adalah pengajaran, penyelidikan, keterampilan dalam bidang mereka, sumbangan kepada profesyen mereka, jabatan dan fakulti serta pembabitan mereka dalam menggerakkan masyarakat," katanya.

Kemampuan Universiti UCSI meraih kedudukan 500 universiti terbaik seluruh dunia, sekali gus berada di tahap 10 universiti terbaik di Malaysia berdasarkan kegigihan dan ketabahan menerokai kualiti, kecemerlangan dan inovasi dalam pendidikan tinggi melalui strategi serta pendekatan tertentu.

Bertaraf dunia

Sementara itu, Naib Canselor UTP, Prof Dr Mohamed Ibrahim Abdul Mutalib, berkata UTP melonjak naik 80 tangga ke ranking 521-530 dalam QS World University Rankings 2019.

Beliau berkata, pencapaian UTP dalam QS dan Times Higher Education (THE) rankings adalah konsisten jika dibandingkan dengan universiti swasta lain di negara ini.

"Pencapaian dan prestasi yang konsisten dalam ranking dan penarafan ini disebabkan oleh Pelan Transformasi UTP untuk menjadikan UTP sebagai kampus yang diterajui oleh penyelidikan yang bertaraf dunia.

Mutu graduan

"UTP adalah universiti swasta pertama di Malaysia yang diberi penarafan keseluruhan lima bintang maksimum dalam Sistem Penarafan Universiti QS StarsTM," katanya.

Pada tahun ini, THE Emerging Economies Rankings menempatkan universiti itu pada kedudukan ke-77, melonjak 14 tangga dari ranking sebelumnya iaitu ke-91.

Lonjakan itu menempatkan UTP dalam kalangan 100 universiti terbaik yang diterajui penyelidikan di

Universiti perlu fokus pengajaran, penyelidikan dan bukan hanya pada ranking semata-mata.



negara membangun.

Naib Canselor dan Presiden Universiti Taylor's, Prof Michael Driscoll, berkata universiti dalam perancangan untuk meningkatkan usaha penyelidikan yang menjadi tonggak penting bagi menyokong cita-cita universiti terhadap kecemerlangan seimbang hasil daripada pen-

giktirafan QS, baru-baru ini.

"Penekanan terhadap penyelidikan adalah penting dalam memastikan Universiti Taylor's berada di tahap yang baharu dan membolehkan universiti dikenali di persada dunia.

"Kami juga berada di kedudukan 216 di peringkat antarabangsa, atau satu peratus

teratas institusi pengajian tinggi di dunia yang dikehendaki oleh majikan. Ini adalah bukti mutu graduan yang kami hasilkan," katanya.

Universiti Taylor's dalam rancangan strategiknya untuk melantik 100 ahli akademik aktif penyelidikan yang mampu terlibat dalam penyelidikan dalam dan luar negara.